摘藻堂四庫全

書薈

要 经 部

欽定四庫全書着要泰林與答卷十

詳校官原任侍講臣王燕緒

欽定四庫全書會要卷一千五百四經部 無冰 於定四車全書 月辛酉葬我君宣公 即位義見隱元年 春秋經筌卷十 年春王正月公即位 成公 春秋經筌 宋 趙鵬飛 撰

三月作丘甲 義見桓十四年 周禮九夫為井三十六夫為邑四邑十六井百四十 十四夫之間出三甲爾說者疑魯必不驟加四倍之 治兵定出賦者六十四井五百七十六夫共出甲士 百井盖九百夫之地其中三十六井三百二十四夫 四夫為丘四丘六十四井五百七十六夫為甸甸實 三人步卒七十二人今作丘甲是使丘出甸賦百四

曰成 賦甲矣安知其爲一甲若以丘出一甲則於文不 賦為臆度之論曰使丘出一甲而已且經書丘甲是 附庸 聖人立文不如是之辭不達也周禮大國五百里 方百里爲一同五同之地爲三百二十甸甸出三甲 甸方四十里四都爲六十四甸方八十里旁加十里 里方十里四甸為縣方二十里四縣為都爲十六 王封周公地方七百里其實五百里記禮者合 而言之五百里之疆以甸計之甸方八里旁加 春秋經筌 記 眀

爲 為甲士九百六十人甸出步卒七十二為卒二萬三 則 卒多戰無以必其勝故增甲士馬若以爲丘出一甲 千四十人卒二萬而甲士不及千人則精悍少而冗 定匹庫全書 三百二十人魯既患兵弱不足以備齊故重賦以益 以守可以戰合步甲二萬七千二百四十人以萬 是甸出四甲三加其一而已甸加一甲幾增甲士 "甲士三千八百四十人步卒二萬甲士三千則可 而益甲士三百二十人何補於疆弱今四倍之則 き十

む

蓋成周鄉兵之法務為不敗而已非志於決勝也故 故予以周官封國丘甸之法考之而成公之情見矣 制 者作在所指乎在所益乎以軍制考之則百里緩為 不合所謂方百里者五則魯之故封也則夫封國之 六十四旬步甲合四千八百人無半軍之衆於制為 則 當從問官爲正而王制孟子之說疑夏商之制也 曰周公之封於魯方百里今魯方百里者五有王

千五百人為軍則魯繼有二軍馬孟子告慎子之言

t

春秋經筌

呼先王寓兵於農所以保民也豈期於關念哉故甲 爲輩之戰大敗齊師則 步精悍多則果於必勝也今作丘甲甲既疆明年遂 之令以靖國利民首增甲士以齊民於死地逞一己 步卒泉而甲士少今成公期於勝齊故增甲而不 作也誅作俑也 少步多所以爲自守之計成公即位之初未有一言 巴尼石目 、亂成周之制可勝責乎故聖人書曰作 发十 作丘甲誠若有功於魯矣鳴 作者創 増

夏臧孫許及晉侯盟于赤棘 秋王師敗績於茅戎 **武定四庫全書一人** 齊志於求晉故絕而求盟馬明年齊伐我北鄙而四 魯固齊之與也宣之末年怠於事齊公孫歸父如晉 之不己信也故爲赤棘之盟赤棘晉地魯蓋果於絕 矣晉蓋疑歸父在齊魯必有二心於齊而魯亦疑晉 叛齊也未反而宣公即世歸父奔齊魯固寫於親晉 會晉師爲牽之戰其謀蓋定於赤棘也 春秋經筌

冬十月 不地以志天下皆王土其尊王也至矣尊王所以責 聖人不與戎之敗王師也書曰王師敗績於茅戎若 義故每避就其文以存其義王師伐戎爲戎所敗而 勢微矣而春秋尊王之書不以其勢微而廢無敵之 天下諸侯不能敵王愾也 王者無敵於天下周衰王靈不振動而取敗無敵之 師之自敗馬所以存周室也不書戰見王者無敵

二年春齊侯伐我北鄙 魯宣以援立之故不敢忘惠公之好而折節事齊蓋 魯貳於晉久矣而齊未遽加兵於魯者蓋望魯之或 改而事齊也齊項不義於四鄰諸侯皆哆然外之獨 亦不情矣末年命歸父如晉其叛齊之跡已顯而齊 不察見歸父之來存猶以爲魯之未絕齊也既而成

有 公立臧孫許及晉侯盟於赤棘始知魯決然無齊故 鄙之伐馬頃公縣傲結憾於諸侯晉衛既以仇

定四庫全書

春秋經筌

欽

結 夏四月丙戌衛孫良夫師師及齊師戰於新築衛師 齊今又賈怨于魯其召牽之敗非不幸也蓋自取也 同 被伐者而以伐人者爲主也宣十八年衛世子臧 以衛主之學者不考聖人所書之文情然從傳故 築衛地戰於衛則齊伐衛也凡戰以被伐者爲主 晉伐齊故齊有新築之師以報前日之役理所 以爲孫良夫伐齊豈有衛伐齊而戰於衛地戰不 敗

績 會 前日伐魯今日敗衛二國之處益深矣雖不伐晉魯 **睾之戰所謂用大師爾以四國之七大夫而敵一齊** 晉郤克衛孫良夫曹公子首及齊侯戰于審齊師敗 月癸酉季孫行父臧孫許叔孫僑如公孫嬰齊即師 衛能不求晉以報齊乎六月有七大夫之出同怨同 至然齊不伐晉而伐衛者蓋怯晉之殭而不敢加也 疾冝齊之不免哉戰書及敗書師春秋之常). A.S. | 春秋經筌

<u>ک</u> ز

啓 甚矣驕傲不悛以犯諸侯之怒者齊也威柄下移 同 春 之心人情所不免而晉魯衛曹亦有君乎國之大柄 時聘之使不出齊境伐莒者再伐魯者一抗晉兵 諸 大夫之横者四國也齊侯不義而四國之君不智 雖頃公横逆有以召天下之兵而大夫之專恣亦 秋蓋同一貶馬頃公縣蹇自恣即位九年未曾一 侯會盟蓋自以爲中夏之殭侯其視諸侯蔑如 諸侯怒目疾視直將赭淄青爲墟矣雖 報怨 而

勧

埞

匹

庫全書 |

外有勝齊之功奏凱而還邦君何以制之吾是知魯 至是哉以軍制考之魯蓋有二軍吾於作丘甲既言 不察也晉衛循爾而魯兵一出四大夫接較其橫一 之三家晉之六卿衛之孫霄其暴橫蓋成於此不可 將上軍卻歸佐之韓厥將下軍首監佐之也許蓋文 下軍臧孫許佐行父公孫嬰齊佐僑如亦猶晉士愛 之矣於是三家日疆季氏當國叔氏次之二子将上

莫重於軍旅空鄉遂之兵一聽於大夫得三軍之心

東 至 車 至 書

春秋經筌

宣公即 行也行父僑如將二軍以出 則魯盡境以扼齊矣聲 仲之子而嬰齊叔肸之子二子皆他族故不得專而 兵扼齊其故安在蓋宣公之世專任東門氏仲遂及 行也嗚呼無事而克齊循懼其横况各為己謀乎其 氏則仲孫茂嘗爲秦婁之盟實睦於齊而不在其 固 父父子秉政三家侧目久矣今歸父如晉未至而 疾於齊期於必勝而後已此所以季氏叔氏偕 世歸父知不容於三家疑其脅齊而扼已也

卷十

秋 克齊以爲魯功吾竊以爲魯之禍也聖人列序諸 七月齊侯使國佐 詞令齊見伐而不得主戰則聖人不予齊亦明矣易 者為主睾之役以七大夫主之蓋主戰所以與其有 日 自我致戎又誰咎也齊頃之謂 非惡也蓋不書其名無以見其橫凡春秋之法書 雖然齊之敗則有以自取而春秋之書戰惟被 将而己今併其佐而書之所以著其恃衆以逼齊 . 如師已酉及國佐盟於表妻 春秋經筌 歟

歃 蓋已無齊矣輩去齊五百里表婁去齊五十里如輩 之盟志其辱故屈完之來首曰來盟若前定馬以齊 如師乞盟惟召陵袁婁而已召陵之盟志其服袁婁 其極歟故及盟者七大夫而聖人不序曰己酉及國 為辱大矣雖齊頃之辱有以自取而大夫之暴横不 桓之義不服則已既服則盟無不得也國佐之來且 定四庫全書 如師得盟與否未可知也七大夫之橫敗齊子室 不得盟七大夫攻之而不置及表妻而後盟之其 卷十

月 定口車全書一 夫迫人不已及表婁而後聽其盟是豈義師哉極其 之名所以伸其辱也王者之師務服不務勝敵拒命 忿而後已與召陵之盟不其異乎故聖人亦異其文 則 所以見善惡之别也 陽田 壬午宋公鮑卒庚寅衛侯速卒 進以示威敵服辜則退以示懷齊既服矣而諸大 春秋經登 几

佐盟於袁婁不出主者之名所以抑其横再出國

取 聖人於春秋因人情而立文者也文立而情露情露 取之義見之内取外邑曰取外取内邑曰取而内自 之意也順其意而書之亦曰歸晉人來言沒陽之田 歸之於齊是也外以邑縣我彼樂於縣而無各也亦 褒貶見故春秋之作凡以治人之情而已吾於歸 内邑亦曰歸外自入其內亦曰歸所謂因人情而 文者也外歸內邑始侵而終反之彼其願償我也 日 歸齊人歸我濟西田是也外以人之邑與人外

ここり 之取以 戰 齊 宜其曰歸矣而亦書取何哉蓋彊其所不欲償也取 見奪則亦曰取齊人取謹及闡是也外侵內而取 有一人馬得吾壁而不有自挈而償我則安得不 故曰取取部取根牟是也外取內邑亦殭以力 西田 而 **疆復之則不得不以取書今吾有璧不幸亡之**). 1 to 1 與今取沒陽田是也濟西之取以該而沒陽 戰濟西汶陽皆齊之所不欲償而魯以緩與 春秋經筌

曰歸鄭伯使宛來歸祊是也內取外邑彊以力奪之

魯初無失汶陽之事故遂以爲齊田且内取外邑必 哉然不書失田之故者或失在春秋之前矣或失而 係其國如取都田自郭水是也安有齊田不係之齊 之歸哉得吾壁而不我歸吾往青之而後償則安得 魯史不書聖人亦安得而益之君子觀其取之之故 西為齊南為魯水南曰陽則沒為魯田也審矣或者 不謂之取此歸取之辯也而說者見書取因以爲沒 非魯田詩云沒水湯湯魯詩是也沒出萊蕪入濟

鉑

灾

四月在書

冬楚師鄭師侵衛 嗚呼機會之失爲損大矣楚鄭侵衛晉失機也晉自 亦足以見褒貶其失之之故在所不問也

宣十八年楚子旅卒共王即位未能和諸侯晉不於 主諸侯景公之與適當楚莊之方張無以施其一二 文襄以降世嗣霸統成公靈公庸懦無立猶時出而 十有一月公會楚公子嬰齊于蜀 魯衛以逞憾於齊齊何足計哉不圖宗諸侯以攘夷 責晉也 楚矣爲無吠堯無足誅者聖人之意蓋輕誅鄭而重 楚勢益張魯人戰恐公及楚大夫爲蜀之會卒之天 狄乃樓諸侯以關私怨則楚鄭侵衛晉致之也既而 之責為重也或者不遠責晉魯而近責鄭鄭固久從 下諸侯自河以東一舉而屬楚是雖魯成之罪而晉

矮十

為蜀之會所以潛服於楚而逆弭楚兵也公以千乗 魯衛皆南逼於楚楚侵衛則兵將及魯矣故公恐而 宜其先受禍也魯無前日之戰則必無今日之辱矣 為之諱亦足以見聖人之深疾乎魯也前月四大夫 之君而敵楚之一大夫其為辱大矣春秋顯書之不 於諸侯則南求楚楚爲齊報怨而魯衛實華之兵首 並出盡其怒以拒於齊快一朝之忿而已不知彊楚 之議其後也楚之侵衛必以齊君致之矣齊既不容 春秋經筌

幸楚聽其屈服而遂弭兵則蜀之會猶爲幸也庸恤 聘蓋嘗論之以爲楚降王稱子本其自稱以通中國 夫辱哉凡諸侯之子稱公子以父稱公而子爲公子 之辭於此尤足以証之且嬰齊不稱王子而稱公子 也楚既稱王安得曰公子吾於莊二十三年荆人來 不稱王者楚之利也彼方求諸侯於中夏肯自稱王 定四庫全書 其君豈自稱王哉其稱王者臣子諡之也戰國之 侯皆稱王而趙武靈王獨不稱王天下宗之則 きょ

歃

人薛人郎人盟於蜀 丙申公及楚人秦人宋人陳人衛人鄭人齊人曹人**都** 飲定四庫全書 蜀魯地也公及諸太夫盟于蜀則公志乎爲是盟矣 趙武靈王初不稱王而曰靈王也 也獨公為志乎受楚盟爾已受楚盟君子所不責不 公志為是盟則魯主之乎曰魯安敢加楚哉楚主之 自稱王也明矣彼其卒而稱共王者臣子尊之亦由 犯諸侯之惡哉今觀書公子嬰齊之事則其君不 春秋經筌 +

盟是也內不沒公而外書人公自辱也惡在內也公 於楚在所不恤而據諸侯聽命於楚其罪何逃蓋魯 獨受楚盟則疑晉率諸侯而問其故先奪晉援率諸 私忿而外招寇寇至矣則匍匐請服之不暇夫已服 及莒人盟於浮来是也蜀之盟浮來之比耳魯內 公而外出大夫之名大夫抗也惡在外也及齊高傒 足誅也今率天下而胥為夷其罪可勝誅乎内不書 而從楚馬陳鄭固楚之與而齊秦宋衛曹都郎 關

をナ

若魯之惡爲甚也以司寇之典責之魯當服上刑齊 次之宋衛又次之而諸侯不得已也此春秋之法所 公暴其恥而重其誅乎秦先宋先陳先衛先鄭衛宋 二君斬然在喪可辭而不辭也齊次鄭儼然大國可 寓司寇之典歟 而不拒也胃喪而從盟自辱以從夷皆在所誅也 **貶稱人觀其先後之序而罪之輕重見馬然未** 春秋經筌 +

非魯號召之亦未遽偕為左在也此聖人所以不沒

三年春王正月公會晉侯宋公衛侯曹伯伐鄭 冬從楚而春從晉冬盟鄭而春代鄭何諸侯之不自 贞 月台は一

安且不信也彼諸侯不安諸侯不信誰任其咎哉霸

主不作也鄭之從楚久矣使晉有志於抗楚服鄭曷

移代鄭之師於審之役乎移七大夫之勢而迫楚

則楚必怖移七百乗之兵以伐鄭則

鄭必服其怖齊

孰若怖楚之為利其服齊也孰若服鄭之為功兵

既盡於齊楚人乗隙而逞諸侯既已屬楚而區區

辛亥葬衛穆公 葬不葬哉衛子盟于洮既葬矣特未逾年也故亦稱 國之福矣故聖人之復舉而爵之所以伸霸主之威 然幸諸侯不遂為楚服反而從晉是亦晉之幸而中 摟諸侯從楚之餘而爲伐鄭之役宜其不能得鄭也 巴日華公共 子用是知宋衛稱爵既逾年也非過也 也彼其未葬時未及五月爾稱爵逾年之君也豈計 而幸諸侯之能自及也宋衛二君逾年稱爵禮之常 春秋經签

欠

甲子新宫災三日哭 二月公至自伐 廟未給也禮喪畢則因給祭而奉安新主于宫今宫 新宫者宣公也何以不諡神主未入宫也喪畢則主 危之吾欲聞其說 飲至於廟也說者以為危之蜀盟何以不危於此反 廟喪二十有七月 而未給主未入乎宫也故不得書諡然則何以 鄭 而畢今二十有八月何以未入 恋

乙亥韓宋文公 於桓敏況神主實未入宫而災其於宣何傷哉聖人 之書爲禮之失而已不爲區區之應爲神也 新宫而致災及既毀而後災也天無乃重於宣而輕 僖宫災其亦譴僖乎桓公之惡尤甚于宣天何不於 自吊安得為禮哉以為天不佑宣公而新宫災鑿矣 未入宫先君實未居而哭之非哀先君也實自吊也 以三日哭而書爾禮焚其先人之室則三日哭若主 春秋經答 十六

夏公如晉 古者諸侯繼世喪葬畢則以士服見於王王賜之載

欽

定四庫

全 書

卷十

何 冕然後朝于鄰國 禪不朝王而朝晉此何禮邪春秋諸侯以殭弱爲判 有於禮宣公受位於齊故喪畢則朝齊而不朝 以繼好結信禮之經也今成公釋 晋

成公受制於晉故喪畢則朝晉而不朝齊則夫相 朝

顧所畏者先之匹敵以下有所不朝 而)刮

室

微哉彼其狎諸侯而不復朝君子在所不責聖人

鄭公子去疾即師伐許 鄭之伐許自撒藩蔽以開楚寇也以職方考之許逼 書朝晉之事凡以責其偃然無王也 而北事晉連諸侯以抗荆楚楚亦未遽得鄭也今鄭 君子不責恤其弱也而鄭固中夏之次國以許為蔽 近於楚楚越許而後至鄭許弱不能抗楚折而從之 無謀亦折而從楚又連年伐許扼許之小而肆其毒 鄭唇齒也許亡則鄭亡曷釋許以爲外打固鄭之 Part of the state of 春秋經筌

愈 **楚而抗鄭鄭既失許故楚兵一出則直履鄭郊楚患** 遷於葉又遷於白羽又遷於容城逼近楚都所以倚 勢也 盆近故襄公之後鄭多入楚歲有晉楚之兵腹背受 利也乃區區逼許不已其後許畏鄭益甚愛入楚地 之事始終詳之所以誅鄭之無謀而隳中國內固之 灾 水火交熾而鄭特如在鼎之魚耳其患皆起於伐 月全さ 自撤藩打之故不可不察也故聖人於鄭代許 を十

秋叔孫僑如即師圍棘 公至自晉 然汶陽故魯民而復歸魯何以不服孟子曰耕者助 前年以牽之戰而取汶陽田汶陽之民蓋不降於魯 圍邑不繁之國內邑也何用圍之也棘汶陽之邑爾 而不稅則天下之民皆悅而顧爲之氓矣宣公改助 統成公以丘賦 甲為其民不其難哉沒陽之在齊 而己甸賦甲而己今歸魯而用魯制則一定其稅 春秋經八

晉 大雩 THE PARTY OF THE P 疾特爲內諱而婉其義爾故不書叛然書圍則 郤克衛孫良夫伐唐各如 義見桓五年 見民叛則不安於魯可知矣此所謂 圍之孰若輕賦而民自服故圍棘之事聖人之所深 而四倍其賦彼何以堪之宜其悖然而叛也民叛而 偽如專魯部克專晉良夫專衛軍之戰蓋己著矣今 西月在过一 基十 微而顯者歟 叛 自

釦

武 緧 氏之叛邑魯得汝陽而棘叛棘內邑也則 廧 如 何 如 胡為乎哉二子不自咎其所以致叛之故 功 和其民乃務專兵以立己功吾見其有弄兵之罪 日為國晉得路氏而曆咎如 咎 圍 足誅哉彼徒見偽如圍棘若有功於魯故 如而建功於晉也棘汶陽之叛邑而唐咎如 攘國 棘而克良夫代曆谷如蓋胥做而與徒役立 柄 而 己棘 叛 而圍 叛咎如夷也部克伐 之猶曰有辭而唐 僑如 引其君 圍 亦 咎 さ

Ĕ.

定四車全書

春秋经筌

冬十有一月晉侯使首庚來聘衛侯使孫良夫來聘內 午及荀庚盟丁未及孫良夫盟 有損於國蓋亦象都克之爲而不自知其見役於人 未見其有尺寸之功也若衛孫良夫尤無益於己而 取哉晉衛二國俱聘於魯不爲不厚矣既聘而繼之 以盟此何意形魯成違齊而事晉初蓋睦於晉衛牽 所以致好盟所以質疑假修好而質其疑君子何 Const. The Section of the Control of

む十

楚晉能無慊乎及伐鄭之役魯衛雖外楚而復爲晉 晉實憾之衛固睦於晉然纔被楚兵則亦從魯而歸 晉實疑之故未幾而公朝晉媚晉以雪前日之過也 於是為蜀之會為蜀之盟率天下諸侯叛晉而歸楚 因衛以從楚衛亦因魯以叛晉二國均得罪於晉也 今晉報公之朝以使聘魯道出於衛衛疑魯侯之賣 衛良夫亦從晉伐曆各如忧於晉以求容馬魯蓋 春秋經筌

之戰可以見矣氏而楚師侵衛公懼楚兵之及魯也

盟其 盟其疑也晉之盟疑其貳於楚而衛之盟疑其賣衛 已以洗其愆故亦以使聘魯蓋破其競而窒其譖也 公而外沒大夫之名也二子之盟蓋非君命各因其 夫二大夫之至魯能無辯乎故既聘而各盟魯君 週 誑 以二子抗公為文沒公而不書非 庫全書 晉也是二者不可同日而 則 疑而已然則此公之過歟抑二子之抗也曰公 (然爾而盟非公所欲二子各以其私意要盟 た十 語 故以二日盟之各 若蜀之盟內書

Đ.

定旧

鄭伐許 情蓋無以易吾言也二子之情露則發貶定矣 來盟書使而且緊之君也聖人一字去取褒贬自白 許狄之也餘義見公子去疾伐許 志於夷狄也聖人亦因其志而定善惡馬故曰鄭代 鄭以許而抗楚是志於為中國也今代許而親楚是 吾怪學者求之淺而不得其旨故極言之而二子之 100 Jan 2 100 (100) 春秋经签 Ē

便而要盟故不繁之國且書使非若鄭伯使其弟語

三月壬申鄭伯堅卒 四年春宋公使華元來聘 禮也 通嗣 伯來朝 嘗朝也聘己爲腆矣聖人志之凡以志其任勢而廢 左氏曰歸叔姬也叔姬不令於杞杞伯將出之彼直 以殭弱為判齊晉大國宋不敢不朝匹敵以下固未 庭匹庫在清 | 君也禮諸侯世相朝所以繼好結信春秋之世

鉑

公如晉 夏四月甲寅臧孫許卒 在哉觀諸此君子能不傷令而思古乎 之道絕矣舜之刑於二女文王之刑於寡妻斯道安 而言其故馬故明年叔姬來歸嗚呼春秋之世夫婦 歸叔姬則疑魯用叔姬之該以疾於杞故先朝于魯 公之辱也公固辱矣然猶懼茍庚還而有辭于晉以 三年公如晉既而荀庚來聘報公之朝而且要公盟 As dis 1 春秋經筌 1+1

2) <u>5</u>

冬城鄆 葬鄭襄公秋公至自晉 釭 鄆 見其甚勞且辱矣不責其禮也 從楚之故也嗚呼一舉之失連歲朝之而不能洗吾 雪其抗故今又朝之其兩朝于晉皆以蜀之盟叛晉 鄆 作丘甲之故也魯有二鄆一近苔曰東鄆一近齊曰 前日棘叛而圍之今日鄆貳而城之此皆初 匹厚白言 即汶陽之一邑也以田言之曰汶陽以邑言之曰 稅 畝

灾

鄭伯伐許 五年春王正月杞叔姬來歸 悼公在襄未逾年而稱伯且躬擐甲胄從金革之事 鄭於是三代許矣聖人蓋惡之也前日襄公代許春 聖人所深疾也故如其意而書之以見其惡云 秋狄之今日悼公代許春秋爵之此豈予其代哉蓋 爲備晉則鄆去晉遠矣 西鄆此西鄆也以爲懼齊之復見奪則然矣左氏以

文 足 日 車 全 書

春秋經筌

丰

仲孫蔑如宋 者有自歸者以見意齊人來歸子叔姬罪在齊也杞 王化之本也本立則五教敷而周室中興矣此聖人 見夫不夫自歸者以見婦不婦夫婦人之大倫而 女見出皆曰來歸然罪惡不可以不辯故有歸之 雖姬之罪無所考而觀聖人所書之文則歸之者 姬來歸罪在叔姬也叔姬自取出絕故以自歸爲 春秋之意也 AND PERSONAL PROPERTY.

夏叔孫僑如會晉尚首于穀 穀齊地也晉魯大夫不會於晉魯之境而會于齊地 齊平今首首之會于穀實如齊也魯疑其如齊則有 田而晉無所獲也於晉無益賈怨于齊何哉故復與 何哉魯自輩之戰實與晉同疾于齊既而魯得汶陽 而破晉人謀己之該也左氏載首首如齊逆女而為 間魯故道會之以結其志所以銷齊侯議魯之謀 春秋經筌

報華元之聘

梁山崩 與於國事春秋胡爲書之 晉其地爲晉晉侯及秦伯戰於韓是也梁山晉地而 梁山晉地也詩曰弈弈梁山蓋在韓侯之國韓滅於 不繫之晉山崩川竭天下之大異天地不爲一國而 示變聖人亦豈爲一國而書之天地示變以警人君 如之志則聖人所書之意見矣不然僑如師首首何 羅諸穀志其會而不知其故也吾故白之以明偽

鉱

定四庫全書

秋大水 冬十有一月已酉天王崩 十有二月已丑公會晉侯齊侯宋公衛侯鄭伯曹伯邦 さこう 義見桓二年 史之事非君子所欲間也 若取其事應以合之曰此梁山崩之驗是亦**淫巫**瞽 聖人志之以示後世君人者觀此亦可以識天意矣 定王也不書葬魯不會葬 ō A dis V 春秋經筌 二十五

子杞伯同盟于蟲字 蜀之盟機會一失楚人乘之晉逐失諸侯既而樓從 四月八十二

金

是乎合諸侯爲蟲牢之盟盟鄭且結諸侯之心也晉 楚之餘以伐鄭鄭蓋未返今鄭復還而爲中國晉於 侯于時楚莊方張諸侯二三其德晉不能宗主也令 即位十有五年矣盖嘗爲清丘斷道之盟以求諸

蟲牢之會始能復振中國之勢收諸侯於已失會而

盟之且能反鄭於久叛雖未足以成桓文之功而志

魯安得而書之若是者附會以擠人於惡而沮喪中 晉景於是率諸侯盟之於王城之外以尊王室庸得 國盟主之勢非春秋意也 會爾安得歸罪諸侯哉諸侯會葬自書於諸侯之策 為罪乎或者徒見定王不書韓因以為責諸侯且定 謂天王崩而諸侯不會爲貶且蟲牢鄭地逼近王城 王登退於是總二月何葬之爲其不書葬者獨魯不 有足嘉也是以春秋皆舉而爵之無貶辭馬而說者) 7 15 I 春秋經筌 六

六年春王正月公至自會 二月平己立武官 有常之禮先王所以辯分非常之禮聖人所以沿情 定匹庫全書 一 お十

魯之廟制其禮已爲非常於非常之間又以私意益 之則紊聖人之典干先王之誅矣且諸侯不毀之廟

魯不毁之廟二諸侯二昭二穆與太祖不毀之廟

爲五魯以周公有大勲勞於周室而封伯禽於曲阜

伯禽受封之祖廟不可毀而伯禽之所以有魯者則

鉑

廟 先王之誅也武有靈亦不享矣說禮者不考其妄謬 官爲魯不毀之廟何魯廟不毀者如是之多也問公 遂謂魯公之廟文世室武公之廟武世室也因以武 十有一世其廟爲思久矣今創立武官是以私意干 周公之故也故魯祀周公爲太祖而伯禽爲太室二 世子孫徒見魯之廟制既異於諸侯遂以私意創立 有功於魯則立宫以祀之此何禮哉武公於此蓋 不毀則有其故此所為非常之禮所以沿情也後

餀

定四庫全書一

春秋經签

取 鄟 書 蓋不經矣使魯既有武官而不毀則今當書新不當 秋 立書立者初立也前乎此未之有也學者當以 經 者出於春秋之後見魯有武官遂有武世室之語 功 取部取即是也若宣九年取根年以承上文蓋以 而 國諱減書取 文為正記禮者出於漢儒不足據也 不毁伯禽以封而不毀彼武公何為者哉記 鄟 小國也魯減國者三皆書取 春 取

衛孫良夫即師侵宋 得用取鄟之例 齊取來邑也昭元年取鄆則內邑也二者非滅國不 前乎此衛與宋同蟲牢之盟後乎此衛勝女於宋則 盟則擠齊於衛鄭之下而宋先之蓋以為已固尊於 宋衛固無私毫之際也今衛無辭而侵宋吾考其故 乎此齊未嘗從晉會盟亦未嘗與宋同役楚主蜀之 而無之衛比於晉久矣則侵宋之役疑晉意也蓋前 春秋经筌 Ŧ

鉱 盟晉始得齊蓋以爲不世之幸故加齊於宋之上宋 K 重兵也侵宋淺事也以重兵而行淺事豈力不足哉 故孫良夫衛之上卿帥衛師以往不伐而侵之帥師 代之衛實無憾於宋徒以盟主之今有所不得辭馬 實慊然則宋之在會必有不屈之辭矣於是晉命衛 齊也爵為上公而國為三恪何下齊之有及蟲牢之 不情故也故聖人於衛無貶辭蓋志不在衛實譏晉 定匹庫全書 な十

秋 公孫嬰齊如晉壬申鄭伯貴卒 **邾魯之附庸也前日殿 郎子于郎魯所當治而不治** 邦之恩大矣今之來朝不爲過禮矣容其姦而引其 仲孫喪叔孫僑如帥師侵宋 惡受其禮而置其罪春秋之時 既而蜀之盟蟲牢之會皆得列於諸侯魯實庇之為 宋之於魯尤親於衛也前日衛以晉之命不得己而 J. 312 (197) 春秋經筌 二十九

夏六月都子來朝

哉晉憾宋而不自代移惡於人人亦豈無心腹腎腸 魯不忍深加毒宋亦侵其北鄙而已茂及僑如皆魯 孫蔑報之宋魯之好方篤則二師之出豈志於代宋 之抗也是以命魯公孫嬰齊還自晉而魯以夷及僑 之命卿師師以行其衆必不加少雖入其都圍其色 如侵宋奉晋命也然四年使華元來聘五年魯以仲 兵於宋故侵之而已晉蓋以爲侵宋未足以挫宋 用己兵而關他人之忿無益於己而賈怨於人宜

鉱

定匹庫全書

卷十

楚公子嬰齊帥師伐鄭 貳於晉則兵環其壘鄭不能堪晉不能取故鄭襄南 左氏爲晉命是爲得之 嚮從楚者十有五年蟲牢之盟中國之勢少振故鄭 鄭自辰陵之盟受命于楚楚視之固若己之與也緩 今日之侵宋不以爲憾耳知其命出于晉非魯意也 明年華元復來聘公孫壽來納幣而伯姬歸于宋則 無難也而總侵之此豈其情哉塞青之辭而止矣故 ישר לי פרוט | 春利經签

冬季孫行父如晉 復反而爲晉悼公即世楚乗鄭丧扼之以兵其爲毒 公孫嬰齊如晉既返而二大夫侵宋晉命也侵宋之 治夷狄之意於此見矣 深矣然諸侯伐喪鮮無貶辭而楚不加貶者非與楚 命更以命魯魯侵宋而己魯疑晉以宋爲未服而 也聖人豈責禮義於夷狄哉以不治治之也王者不 灾 既返而季文子如晉報宋之屈也晉以衛爲不用 月台 丁二

晉察書帥師 七年春王正月鼷鼠食郊牛角改卜牛鼷鼠又食其角 欽 魯也故以行父如晉言宋之服以故明年救鄭之役 盟率諸侯叛晉從楚晉實憾之故四大夫一歲之間 善救鄭也救者善則伐之惡可知矣 宋復從晉者魯故也魯區區然市雖於晉者蓋蜀之 也嗚呼一舉而失其勞一至是乎 三奔命以奉晉之惟心惟恐不得宋以重得罪於晉 定四庫全書 救鄭 春秋經筌


吳伐鄉 乃免牛 於魯也故遺其害而著其譴魯不之察又改卜馬違 非也態鼠豈人致之而亦豈人所能驅之天意不允 郊僭也天豈享僭哉鼷鼠之害說者以爲養牲不謹 天不祥宜其又食也免牛不郊而猶三望不郊天而 鼷鼠食郊牛角者三改卜牛而又食者惟此而己魯 祀地其爲僭一爾義見僖三十二年

楚患未艾而加之以吳中國之不幸哉吳固太伯之 後在周爲伯父使其不用夷而從中國則春秋固宜 得聚異之辭惟以夷自居故春秋亦從而夷之曰吳 而已楚始通中國稱荆吳始通中國逐稱吳皆其自 爲無周稱王聖人降而書子非也觀其卒而計于我 亦曰吳其後書吳子亦因其自稱與楚同馬說者以 也太伯避位奔制靈自稱勾吳後世因而不改故 見矣禮諸侯卒而計於諸侯皆自稱其本爵不 春秋經筌

之不可以訓故聖人略其葬避其僭號也此爲得之 皆書子皆其自稱也葬而諡曰王諸侯及其臣子尊 敢有加馬至韓則書公臣子尊之也令吳楚之君卒 定四庫全書 不 吳伯之後因以爲伯爵耳泰本伯爵亦自稱伯聖人 於秦聖人不宜降吳而與秦也姑聽其自稱也云爾 若其伐郑則病中國自是而始春秋盖為中國**憂也** 贬也何獨於吳貶之吳秦皆夷也語吳之先則贵 安國又援國語吳本伯爵此則國語之失彼徒見 卷十

欽

夏五月曹伯來朝 曹之於諸侯未爲小國特勢不足爾論其名上與衛 其稱國稱子因其勢疆弱所以通中國者詳略如此 岩以為聖人筆削所寓則非也 徒受晉魯之役而有公子首之行伐鄭救鄭無敢不 嗚呼曹伯蓋亦難矣三年輩之戰曹固與齊無憾也 過也如征役則上同於衛鄭而朝觀則下比於称苔 鄭同其列而無愧較其實則下與邾莒未有以大相 春秋經登



月戊辰同盟于馬陵 公會晉侯齊侯宋公衛侯曹伯莒子邾子杞伯救鄭 欠己ョ 援之其所以為鄭援者日加則知楚日熾也審矣 境楚一得之遂為固有鄭受晉盟則兵屢扼之前日 春秋書救未有繼之以盟者且合諸侯主乎救鄭而 己安用盟盟之所以固攜貳諸侯皆在何固之有今 侯 鄭晉以一大夫師師救之今之伐鄭以九國之君 The state of the 救鄭而同盟於馬陵吾知其病楚之殭而疑 春秋經筌 =+0 諸

懼之宋衛曹莒都亦何恃而不恐恐則二心生諸 兵未返即馬陵而盟之所以諭華夷殭弱之勢釋 之常情也晉侯於是疑其觀楚之殭而貳於楚故救 之役兵不加少益兵以扼鄭鄭能無懼心乎豈持鄭 公子嬰齊兩師師代鄭前日之師未能得志則今日 侯之貳也於時晉蓋未失鄭馬陵之盟鄭實在馬楚 繼之以盟用是知其病楚而疑諸侯之攜貳也 之懼而弭其貳楚之心也春秋救者凡十有八惟 諸 侯

月るま

起十

公至自會

有二事偶者不可以二事至以二事至則若再出馬

凡公行而及飲至於廟舍爵書熟於册然公之出固

者書之蓋惡則飲至之禮有所不敢行尚行之則必 二事皆善則縣曰至自會二事善惡各一則擇其善

故並告於廟而縣書曰公至自會也 今救鄭盟於馬陵所以出而二事偶然二事俱無惡 飾辭以証册書爾聖人皆因其實而書之褒貶自見

次 己 3 巨 co es

春秋經筌

吳入州來 州來吳楚之間小國爾吳伐那中國無救者而楚人 13 耘十

屋る言

亦不敢議其後於是入州來州來微且逼於楚彼得

來不足以爲中國重輕而聖人必志之以著楚方 而吳日熾中國諸侯何以堪之故不十年有鐘離

之會中國安能並抗二敵哉其外楚不得不連吳也

之漸也說者以爲吳乘楚伐鄭而入州來是楚伐鄭 然勾吳蠶食之勢自伐那入州來始所以著其猾夏

AND THE PERSON NAMED IN COLUMN

The second state of the second second

冬太雩 衛孫林父出奔晉 出哉王當又以爲其後楚兵不敢觀兵於上國者畏 彼徒見州來近楚而吳入其邪臆度而爲是說其實 吳也九年楚道吳魯之間伐莒吳何不逐襲其後哉 晉救鄭之師已反而吳兵方及州來安可謂乗楚之 非 周之冬今之八月不雨不得不雲餘見桓五年 ė

春秋經筌

ニキュー

孫氏專衛自良夫始良夫見經六專盟者二專兵者 卒自晉入衛晉反之也其後寝淫其惡至襄二十六 誅乎晉不能治反戚於衛獎其臣以逆其君十四年 父良夫之子也定公不忍其横不能無憾於心然未 四會盟征代既一出其手世及其子安得不横哉林 林父之罪無所逃矣然衛不能制而容之晉不能治 年入于戚以叛聖人終始著之首書其奔終書其叛 定四庫全書 譴而林父奔晉訴於大國而內抗其君其罪可勝 粒十

欽

ここ) 晉也 孟子曰可以取可以無取取傷廉可以與可以無與 與傷惠魯爲審之戰而取沒陽晉力也令韓穿來言 年春晉侯使韓穿來言沒陽之田歸之于齊 而逸之均罪也衛之弱且制於晉有所不敵而晉佑 今日以為宜歸則如前日勿取以為可取而復歸之 歸汝陽田亦晉故也前日以爲可取則如今日勿歸 叛臣以亂人國其誅可不重乎此春秋之法蓋專責 1. 1.5 春秋經荃

沒於齊及章之役晉主是戰一戰而勝反魯侵地然 若勞人而無報故取沒陽田以報功於魯馬既敗齊 得失之非已之損得之非已之益宜晉人於取予甚 也晉實無所失今日以田與齊齊得之也晉實何所 晉實何有哉爲魯復田而已前日取田於齊齊失之 以為宜歸而故取之二者均罪也沒陽故魯田已久 戰魯實傾國以從傾國以從我而我無以利之則 且易也特假是田市功於魯市恩於齊矣初為董

鉝

灾

匹庫全書 |

卷十

魯之舊封則在魯為義在齊為不義晉籍田以市功 侯未嘗屈於晉也戰審一敗銳鋒頓挫蟲牢之盟救 故常以取其田爲負也魯人得田晉實無補而負齊 為多魯人失田晉實無傷而於齊為惠故寧使魯失 鄭之役執兵歃血惟晉是從晉得齊之服爲榮大矣 師頃公屈已以事晉晉自文公之後齊蓋以東夏彊 田而晉無負於齊此所以有韓穿之來也然是田故 一國爾庸顧夫義不義哉然魯初以四卿得之而今 春秋經筌 利

得之故非四卿并出無以奉晉之歡今畏晉之勢而 必迁其辭以見之晉人執衛侯歸之於京師與執曹 於齊春秋書法未有若是之詳且婉者也晉侯之罪 亦甚哉聖人書曰晉侯使韓穿來言沒陽之田歸之 而易於失也魯侯不剛固無以違矣而晉景彊貼 失之故雖一言之及無敢不承晉命此所以艱於得 以一言失之何得之艱而失之易也初倚晉之勢而 所追乎歸之于齊者迁辭也凡事有曲而不通者 全意

鉱

定

E 庫

晉察書帥師侵蔡 蔡追於楚鮮歸中國蓋甘於夷矣自程泉與盟之後 邑此時未爲邑也其後齊築爲三邑以守之爾故定 不能修也沒陽田即鄆謹龜陰初言其田而終舉其 十年來歸以邑舉之餘義見取汶陽田 歸之以著其不直一字之間其義顯矣信乎非聖人 田歸之于齊與齊人來歸耶誰龜陰田異矣故亦曰 伯歸于京師異矣故曰歸之以見其曲今言沒陽之

欠己日華 全書

春秋經筌

公孫嬰齊如莒 中國之勢而振霸主之威敏 遂得蔡然亦可謂不畏楚矣故聖人亦書之所以存 馬是亦意之公子友如陳葬原仲葬亡友猶書之娶 嬰齊如莒非國事也魯大夫如大國者聘也未有聘 年晉卻缺伐之卒不能反也令藥書以師侵之雖未 未嘗從中國會盟文十年比楚人為厥貉之次十五 小國者如小國謀其私爾公孫兹如牟左氏以爲娶

宋公使華元來聘 夏宋公使公孫壽來納幣 大己日奉 全書 求婚 匹夫可不謂賢歟而嬰齊專侈于朝且如莒而謀其 故無得而書馬嬰齊叔肸之子父不義宣公而甘爲 私為肸之累多矣君子惜之 何嫌不書齊高固來逆子叔姬娶也外且書之內安 不書不書其故謀其私也雖魯有所不能知者矣 春秋經釜 +

晉殺其大夫趙同趙括 趙同趙括無事業見於經其罪不可得而考獨以 自 宋公使公孫壽來納幣幾自媒也公羊以爲録伯姬 侯 婚禮不稱主人以自媒爲嫌也天子娶於諸侯以 伯 娶而自主之者也宋公娶於魯而自主之故書曰 姬之賢則然耳何必納幣而預褒之 侯娶於諸侯父在則聽于父母在則聽于母未有 同姓者主之諸侯娶於大夫以大夫同姓者主之 諸

秋 欽 七月天子使召伯來賜公命 有無未必可信吾故略之以經爲正而已 庸為得其罪乎故以無罪録之也左氏載莊姬之諧 靈公於今再世矣再世而不能得賊盾獲死于牖下 凡賞無常輕重脈功周公之制未有無功而賞者也 何 文觀之稱國以稅稅無罪也同括何以無罪趙盾弑 定四庫全書 與况兄獲全腰領而弟蒙其戮脫渠魁而誅其親 同括何益哉同括衰之子盾之弟也兄為逆其弟 春秋經筌 1

甸 未為過也不加之刑而加之賞此何法哉蓋簡王即 者三未當一聘周王師敗未當救定王韓未當會魯 成公即位八年矣朝晉者再未當一朝王聘晉聘宋 過七命小國之君不過五命有加而賜所爲賜命也 若有加則賜也大國之君不過九命次國之君不 服也二歲一朝今四不朝矣貶爵削地六師移之 命國之重賞安可以加 諸 侯也賜命者有功而賜命服 無功錫命者諸侯繼統命 也禮三公一命

冬十月癸卯杞叔姬卒 k 垂教遠矣郯伯姬不書卒而此書卒成公不以爲罪 婦人之義無再行叔姬即絕于杞而以杞目之聖人 言 何 下曰天子臨諸侯曰天王天下即諸侯諸侯即天 2 位于今三年諒陰初終聽政于天下用姑息之典 則 5 見其異任伯雨曰天子主乎思天王主乎法其 15 侯而已何賞之有天子天王之稱也或曰臨). A.S. 而實穿鑿窥貶不在此矣 春秋經筌 中二 天

晉侯使士變來聘叔孫僑如會晉士變齊人邾人伐郯 釭 魯俾內爲備而外伐郯兵勢既張則吳有所不敢救 士瘦來聘謀伐那也**那蕞爾小邦何足以煩二國之** 也此所以先聘後伐必四國之兵皆出而後伐之歟 而厚其喪也故明年把伯來逆其喪以歸畏魯也 埞 伐郯而吳救郯則齊魯将受其毒故先謀之於齊 而重勤四國之師哉非難於郑難於吳也前年吳 匹庫全書 | 好折而從吳吳人方張晉實懼之郯在齊魯之

衛人來勝 欴 衆也 **貶辭齊邾書人将軍師少也晉魯不書帥師将尊師** 定四車全書 少也以四國並起代郯聲懾吳人而已其實不在用 之則吳惠益深伐郯猶足以蓋其失也是以春秋 不為其易而爲其難晉已失計矣然因其失而遂弃 吳伐那晉不能救逮其從吳乃動四國之兵而伐之 不然好之為國偏師足以環其郛尚何用多兵哉初 春秋經筌 四十三 無

九年春王正月杞伯來逆叔姬之喪以 出之終以爲恩而逆之既曰有罪則不宜加思 而卒於魯則宜葬於魯矣令把伯來逆其喪以歸 義見齊人來勝 何 不當出以 無 禮哉禮出妻之子爲其母服齊衰杖期若父後 秋之作凡以正天下之非禮非義叔姬既絕於杞 服其子尚爾於夫何有邪杞伯以叔 叔 姬爲不賢則卒不當以 歸 歸 姬爲賢初 初以爲罪 既 則 H 加 而 則

THE RESERVE OF THE PARTY OF THE

¢ 於魯魯不以為過而厚治其丧祀伯於是懼而復来 恩則不可謂之罪二者必居其一矣觀杞伯初絕之 逆之則出之逆之皆畏魯也非杞伯之心也且夫婦 於寡妻雖文王之德而太如之賢聖人列於十亂則 之義而至於出絕其亦不仁矣而聖人不責杞伯者 不敢直歸之魯先朝魯而後歸之則懼魯可知及卒 巴日車全書 如之懿德何如哉若叔姬之不賢則 叔姬之不賢不能順其夫家以奉杞之宗廟也刑 春秋經筌 雖有文不能化 8+8

浦 公會晉侯齊侯宋公衛侯鄭伯曹伯莒子杞伯同盟于 霸主之命爾既而晉以齊厚於已復奪魯田以歸 則命魯衛侵之六年之役是也魯衛何嫌於宋哉以 侯之貳也晉自蟲牢之盟始得諸侯宋公一言不 也 魯之所以事晉者以因晉而得沒陽田也今既復爲 伯者之求諸侯假義而已不能失假而遽歸之宜諸 此聖人所以重責叔姬輕待杞伯 歟 齊 順

£

j

家魯若一言怨晉之奪已田也則天下諸侯舉皆貳 晉矣故三國之好既合晉於是懼而爲浦之盟收 **滕魯既與宋矣衛復何畏而不從哉魯宋衛合爲一** 狎魯之 國 侯之離心也清之盟幾返而晉人亦來滕此非懼 宋共爲婚姻之好宋公使公孫壽來納幣而衛遂來 晉所奪魯何望於晉哉故晉雖惡宋而魯犯晉怒與 合好以)弱小而反勝之是豈得已哉懼三國之叛 叛晉其肯然歟晉雖惡宋不順而反妻之

欽

定四庫全書

春秋經筌

公至自會 月 内女之書者三紀叔姬與宋伯姬以賢郎季姬以姦 為虚文矣未曾間聖人作春秋有一言為虚文也 懼三國結婚以叛晉也不考其故而妄言之則春秋 不書其初無以見其終故於其歸也皆志之然紀叔 之盟以得鄭也馬陵之盟疑諸侯貳於楚也蒲之盟 而已夫諸侯同盟必有其故學者不可不稽之蟲牢 伯姬歸于宋

THE RESIDENCE OF THE PARTY OF T

夏季孫行父如宋致女 明 姬宋伯姬始終之善可以見矣而卽姬之惡何自而 致女于壻氏之廟者今魯嫁伯姬於宋三月而遣季 書曰稀于太廟用致夫人是未有女氏之嫁命使以 之禮豈嫁女者所宜與之僖公娶于齊致夫人于廟 婦人嫁三月擇日而見于廟成婦禮也此固娶婦者 以見其惡之終也此春秋異其文而見善惡者也 3 故紀宋二姬卒書葬以見其善之終即姬不書葬 È 春秋經签

前為蒲之盟諸侯既協故晉亦屈己而來勝晉大國 女于宋魯疑伯姬未見於廟爲晉所脅而不得爲夫 嫁女於宋衛亦來滕之晉蓋疑三國合而反晉也故 孫行父如宋致女此則有由矣魯既犯晉之所惡而 皆求其說而不得乃以致女為常典誤以廟見爲致 女之文致女者蓋成公一時之權制實非禮也諸儒 人也於是遣使以致之古令典禮有廟見之制無致 視魯故常眇之今肯以其女爲妾乎故晉將送勝 四月在 11 をナ

쉷

埞

晉人來勝 卿 諸侯嫁女於諸侯二國勝之是謂三歸一娶九女所 宜其不免乎鑿也 宜季氏專且殭其肯任甲者之役乎求其說而不得 女也既以致女爲是乃疑春秋不書常事則又曰使 何以書蓋因其常而有變爲不可不志也魯嫁女衛 非禮也且行父魯之貴大夫上卿爾若使而非其 廣繼嗣之道也魯嫁伯姬于宋衛晉勝之常事爾

钦

定四庫全書一

春秋經筌

四十七

晉人執鄭伯晉察書帥師伐鄭 秋 書之若衛人之勝何必志哉蓋不志則無以見其三 國來勝為禮之過也其後齊亦來勝爾此所以不得 鄭將叛晉為楚晉侯執之宜得霸討矣而書曰晉人 七月丙子齊侯無野卒 不 於勢而疑諸侯之叛晉也然晉之來勝固有其意而 書衛之勝也若齊之勝尤有說馬解在後 勝真情也晉為霸主而下勝魯女實非得已蓋迫 TOTAL PARTY SERVICE STATE OF THE PARTY SERVICE STATE STATE OF THE PARTY SERVICE STATE STAT

A 24.2 P. LEWIS

Ż 是而求諸侯鄭復何望哉鄭介晉楚之間弱不能自 乎楚子執宋公以伐宋晉人執鄭伯以伐鄭其惡僅 立惟殭是從矣視晉爲無足以庇鄭故貳於楚晉不 女于宋晉屈已而爲之勝蓋求魯宋也晉主夏盟以 之叛也前日爲浦之盟諸侯已二三其德以故魯嫁 執鄭伯何哉蓋晉所以宗諸侯者非其道宜其得 念其所以失鄭之故修德以來鄭乃因其來朝而執 日日年在十二 鄭人安得服哉鄭不服而加之以兵尚爲得霸討 春秋經筌 四十八

伐 能為矣區區侵鄭宜其不能得鄭也 伯 其在晉再舉師則 閒 臣代其國其爲虐尤酷於楚恃此而宗諸侯宜 來朝内執其君外命犬夫伐鄭爾執不書其地 不懷以此而抗楚宜楚人益熾也晉景於是乎無 非褒晉也楚子即宋地執其君以伐其國晉因 宋不再舉楚師晉人執鄭伯以代鄭再舉察書之 爾此宜其得貶絕於春秋也然楚子執宋公以 Ĵ 知其外命大夫也隱君執其 100 Sept. 100 Se 則 諸 君 鄭

楚公子嬰齊帥師伐莒庚申莒潰楚人入鄆 冬十有一月葬齊頃公 蓋遠乎苔苔即今之密州也在吳魯之東楚人整兵 楚人之患深矣潰苔入鄆何其神乎楚居荆州其地

直至於此也楚於是實有輕諸侯之心而諸侯亦拱 手愕視無敢議其後者吾於此竊爲中國憂嗚呼苔 道吳魯之間越吳魯之境而伐莒吾不知楚兵何以

飲

定四庫全書

散爾小國固不足以抗楚且素與楚隔絕亦豈意楚

春秋經筌

四十九

乎民雖懷其君亦不勝恤其身矣尚何恃而不逃民! 逃則楚岩履無人之境故乗破竹之威以遂入鄆也 耳聞楚疆目未當見楚兵也一觀左在之師能無懼 師之直犯其國哉聞侏儒之聲固已震懾宜其民不 未能得襄十二年首人圍台季孫宿救台遂入軍 鄆莒魯交爭之邑于時蓋在莒魯文公城諸及鄆而 非人情矣莒之微縱有備其能破楚師乎莒之民 而潰也或者罪旨之無備且不得民故釋然而潰

秦人白狄伐晉 'n 濱齊晉不能關其前吳魯不能将其後吾不知諸侯 之無備非春秋之意矣 瓦解 書遂矣而再舉楚人何哉蓋嬰齊伐苔苔潰以 知成公之世鄆不在魯也楚人潰苔而遂入其邑宜 ع 9 如是之無謀也學者不責諸侯之無謀而責告人 鄆爾嬰不在故不得書遂再舉楚人以見莒判 雖偏師猶足以入鄆也嗚呼楚兵橫行直抵海 春秋經答 F. 偏 紙 師

惟 白 不 頮 2 釋 泰 妡 狄 其 君子不治也獨責中國為重矣宣八年晉成當以 以交攻惡同罪均無以大相 狄白狄皆無信者也甲殭則主乎甲乙殭 视 則亦 晉自殺之役于此四十有七年各爽四世而 伐秦令秦伯亦以白狄伐晉白狄介秦晉之間 用之而秦晉二君皆中國 狄 無以爲人矣聖人蓋均惡之令又互用 何遠哉故聖人縣稱人而不書及一乎 過也前日晉書 彊 侯用 非 族以 鴚 伐 順乎 師今 夷 夗 同 狄

往

鄭人圍 義非有所輕重也 鄭人圍許鄭伯未釋也執其君而民不服反圍許以 日泰書人所用之兵有聚寡将有尊卑爾其實均不 許

動晉嗚呼舉而不義招辱於天下區區詐力果何 恃哉王者之師誅其君吊其民民大悅今雖殺其君

鄭不可得晉之爲辱大矣鄭人蓋曰寡君無罪而晉

城中城 城備不虞也中城即今海州之邑雖遠於楚觀苔之 蓋激晉之恥而已 溃亦不可不備也況得時乎此不爲貶 前者楚人伐苔遂入鄆鄆逼於魯魯實懼之今城中 伯庸可及乎鄭固素虚於許而今日之師無意於許 晉侯於鄭吾見其愧無際以入地矣雖悔前日執鄭 噫晉於此雖反其君而鄭不受雖殺其君而鄭不服

盆

四月百十二

を十

十年春衛侯之弟黑背帥師侵鄭 皇然無以自處故令衛師侵鄭意鄭或懼而求反其 衛何憾於鄭哉霸主之命也晉不義而執人之君鄭 服負愧於鄭將歸其君而鄭無求君之意進退皇

尺三日 車 在 曹 母弟也衛定為於母而親於弟與齊傷厚其弟年者 而求反其君也晉侯是何顏以宗諸侯乎黑背稱弟 春秋經筌

率諸侯伐鄭而納鄭伯馬未聞既執其君乃伐其國

君得以憑藉而歸鄭伯也鄭卒無一言之屈故五月

夏四月五小郊不從乃不郊 各尚忿而不郊成公之悖甚矣春秋書免牲者二猶 或一道也私其親而厚寵之果有益於國乎 有從容畏天之意書乃不郊者三是忿而遂置之也 四月既非時而五卜爲賣已甚不免牲不免牛而曰 乃不郊忿詞也天之所以不許魯郊也明矣乃不自 異世同轍也年之子無知弑君黑背之子剽篡國是 天可忿乎吾為懼矣

五 月公會晉侯齊侯宋公衛侯曹伯伐鄭 晉景執鄭伯以伐鄭而 鄭不服圍許激晉晉將歸 鄭

伯

而

鄭不求又命衛以侵

鄭鄭卒不求復其君晉景

使歸其君鄭苟拒而不受則返何以置之哉故假六 而 鄭 比優然 木 服故忍靦顏以合諸侯伐鄭而歸之然以單 如不終日欲歸其君而鄭不求欲殺其君

春秋經筌

何執之易而

釋之反

難

五十三

欽

定

ľЭ

國

"之兵以勢扼鄭而必其入也噫初而執之以一

其 晉日 欲 執 安 之今鄭伯之執晉實不義鄭人不服奉鄭世子以抗 歸 歸之志故以歸告諸侯魯史書其歸聖人亦以書 鄭 可忽諸彼徒見文公嘗執曹衛二君而得國故亦 用 無如之何故雖 伐之而後歸執之而不義則鄭立君以抗晉而 伯馬亦豈知其反爲辱哉然曹伯襄衛侯鄭皆 而鄭伯不書歸蓋曹衛之人幸其君之釋而 納之有所不受嗚呼霸主之舉 有

哉義不足也執之以義則鄭傾國而聽晉求歸其君

齊人來媵 晉晉疆納之非鄭欲其歸也故不以歸告於諸侯魯 歸鄭可知矣不書納實歸之不可言納也諸侯蓋恥 言納尚何辭而書之故公之歸不至告廟也魯史不 也觀晉伐鄭而十三年鄭伯從晉伐秦則鄭伯於此 史不書歸故聖人亦不得以歸書之非聖人故略之 齊晉大國下勝於魯說者以為慕伯姬之賢或曰以 <u>:</u> 5 秋安得而益之哉 A 45 春秋經筌 五十四

故亦屈己而來勝晉之屈實以奪魯田以與齊之故 晉人來勝亦屈己而來勝外從晉之欲內市魯之 憾晉侯與宋爲婚衛人來勝晉疑魯與宋衛合叛晉 也晉已屈已與宋魯衛爲姻姬之國齊獨取沒 二國 齊之勝晉以之也晉初奪魯田以復歸齊魯於是 一得宋之援也齊以一女爲勝而爲齊之利多矣 怨 於魯使魯教晉復爲審之戰齊獨能抗乎故見 勝惜天子皆非也蓋有其故矣晉之勝晉自屈 湯以

鉑

埞

库全書 |

怒十

秋七月公如晉 丙午晉侯孺卒 死之際何以顯其賢宋非彊國安能屈齊晉之勝殆 國之疆未易爲宋魯屈也彼所謂慕伯姬之賢與三 因鲁女而坐事其榮爾非宋求之也 國僭天子非是之意也伯姬之賢見於守節以死未 屈辱有所不辭也此齊晉所以來勝之意不然二大

ŗ

己日節

A ALL IN

春秋經筌

五五

奔喪會葬臣子之事也天王崩諸侯會葬同盟卒大

冬十月 十有一年春王三月公至自晉 後反實公之辱也故不書葬晉景公爲內諱也 齊故書葬齊惠公今公如晉久留于晉及葬景公而 夫會葬禮也晉侯孺卒而公如晉會葬之辱甚矣宣 公自前年七月如晉至今三月而後至留於晉者凡 十年齊侯元卒公如齊公至自齊更以公孫歸父如

九月魯亦有人民社稷之守乎晉侯繻卒於五月則

後返于時季武子乗公不在而取亡故春秋於二十 九年春正月書公在楚志公所在以存魯而誅武子 九月魯之爲魯抑亦可危矣然襄公如楚亦踰年而 之于時季氏日殭行父蓋東魯政也政在季氏者凡 也今公之出文子秉政然無取下之事故聖人不書 九月葬矣既葬而稽於晉者凡六月吾竊爲成公懼 思而後行蓋亦愿而有畏者歟 公在晉則夫文子專未若武子之甚也孔子稱其三 五十八

大三日年 全事

春秋經筌

晋 侯使 蔛 盟之陽爲禮而陰實疑魯蓋厲公初立而求諸侯 公 之晉之不義也甚矣初無罪而執鄭 前年公如晉留於晉者凡九月公何負於晉而晉止 公之憾其見止而或叛晉也故因聘而盟之郤犨之 何爲邪徒以魯與宋衛結 屈 之不能欲歸之不可反受其辱尚不自恢今又止 都學來聘己丑及 而 滕之也今公既返因以 卻擊盟 婚 郤犨來聘且抗公而 姻之援以抗晉而 伯鄭人不服 晉 欲 疑

Į1

を十

夏季孫行父如晉秋叔孫僑如如齊 欽 伸公所以誅都學也 行父如晉報都學之聘也您如如齊改事齊也既報 意哉吾於此見晉人來聘之不情而魯之弱矣以公 國之間惟厚於已者親之爾初魯所以事晉者以 而 來也蓋曰拜前日之朝且通嗣君爾而卻學之盟 定四庫全書 敵大夫其辱爲如何聖人沒公不書非尚爲內諱 於晉而復事齊何邪魯弱不能自立從容於二大 春秋經筌 晉 何

齊且來勝尚何慊於齊乎晉既以魯爲貳已公朝之 齊之故不得不事晉今田既復入齊矣魯與宋婚而 予齊魯何賴於晉哉故事晉之心益怠矣前日以憾 齊亦比于晉以復汶陽田也今事齊而遽絕晉不惟 好且倚齊而抗晉也然既事齊矣何用報晉蓋于時 而 之魯安能忍辱以服事晉乎故以僑如如齊通售 反見止其不厚於魯也明矣卻雖來聘又抗公而 助已爲輩之戰而取汝陽田也不數歲晉復奪而

十有二年春周公出奔晉 冬十月 僑 貳 晉且謀婚也 羈縻於齊晉之間其實心於齊而外晉矣故十四年 鲁犯晉怒齊且不敢庇魯以抗晉也故分使两聘而 有內無外有入無出也随儒穿鑿而使聖人之辭有 外内出入之辯自天子至於庶人同之安有天子獨 如如齊逆女又娶於齊馬則今日如齊之役非 春秋經筌 五十八 獨

Ť 晉尹氏召伯毛伯以王子朝奔楚不書出爾至周公 而出也淺丈夫鑿生自周 定匹庫全書 | 之辭也或自外而奔也書出者有位之辭也自內 之臣書奔者五書出奔者三十有七直書存者無 居于鄭既言之矣自周無出吾猶有言也春秋内 不達吾且哂之天王無出吾於僖二十四年天王 出其論既不攻而 卷十 敗乃文之曰周公自絕而出也 無出之論蓋以王子瑕奔

孰使其妄生無出之論乃自病而自灸哉且考之

取 周室之政何政矣自内而出故不得不書出若夫王 雖 相 於古周無不言出之理書曰大保乃以庶邦冢君出 奔皆非有位者也或自外而奔也故不書出晉先喪 奔秦自今狐而奔也歸父奔齊自笙而奔也故不得 幣乃復入又曰諸侯出廟門俟曰羣公既皆聽命 揖趨出不知何以得自周無出之說也周公之罪 **瑕則間佞夫之禍而奔王子朝則間恭王之至而** 不可灼知然其出奔非已不能自安則內不容也

Ĺ


巴日車在車

春秋經筌

不得不言出必曰在周無出則先喪歸父亦不書出 言出宋萬出奔陳衛孫林父出奔晉皆自內而奔故 否 無乃晉魯亦無出邪其說陋矣聖人書周公出奔晉 有罪放殺屏竄惟上所令得罪於主則延頸就死 在 所懷小則執之以歸于甸人未聞點于周而保於 天下同弃之命一出孰敢匿其姦大則討之以 則素服待放矣未間有罪而揜然自奔也王之所 有出無出之間所識者周與晉矣周之盛時 X

夏公會晉侯衛侯于瑣澤 東至日華至書 晉厲初立而求諸侯於是爲瑣澤之會然所會者魯 意若曰自周無出非吾所欲間也 晉也周室不綱聖人所不忍責而晉為通逃主匿比 罪人以抗天子其罪何可不誅哉此周公出奔晉之 宋爲姻魯衛不叛則齊宋至矣此會于瑣澤之故也 齊事晉不篤故晉求諸侯必先得魯衛以魯衛於齊 而已齊宋不與也前年叔孫僑如如齊魯實貳於 春秋經筌

秋晉人敗狄于交剛 是何年事左氏誤附會矣 楚且不及宋晉所會者魯衛爾無一毫合者此不知 左氏載宋合晉楚之成鄭人聽成考之於經既不書 於交剛順諸侯之欲以懷其心而已故晉有命諸 有 攘夷狄安中國霸主之略也晉厲嗣霸之初首敗狄 攘夷狄於春秋為美事而聖人書人者責其偽也 ÞÍΥ 不敢造也于時秋實未有以成中國而晉敗之 太十 侯



三月公如京師夏五月公自京師遂會晉侯齊侯宋公 属公之計也晉之來乞師者四其謀則一属公之姦 公矣 至矣乞者屈辱之辭加晉以屈辱之辭聖人蓋賤厲 公之作丘甲無以招晉之來非成公之昏庸無以墮 之不悟哉故外之來乞師者惟成公之世信乎非成 從晉晉用之而屢得志於諸侯何晉侯之姦而魯君

陰謀魯不察更以爲腆單使至庭則掃三軍之衆以

衛 如京師 春 侯鄭伯曹伯邾人滕人伐秦 會晉伐泰而已則其情已露故聖人首書晉侯使 僖公因王之行而再朝王所盖非其地矣成公獨 延若真而情實偽晉侯伐泰远若公而情 實私不 不察也春秋至是百有餘年未間有諸侯如京師 僞 秋之所以為春秋判天下之情迹而已公如京 而延真君子誅其偽逐公而情私君子治其私 -而朝王其迹不既真與然公實非朝王志 春秋經筌 六キー 於 者

者屢矣未嘗腎霸主之威用諸侯之力以疾奉今以 育之則其远若公矣然合諸侯以除中國之患可也 侯也今属公合諸侯以爲兵車之會蓋以霸主之今 狄伐晉雖晉侯以怨報怨不失爲直而秦獨於晉爲 也泰晉交怨五十餘年其已極矣前年秦人復以白 錡來乞師而繼書公自京師遂會晉侯伐秦著其偽 今乃樓之以報已怨庸得爲公乎前乎此晉之伐秦 仇彼諸侯何嫌於秦哉蓋未當以寸兵尺蘇遺諸

歃

定四庫全書

ż 書 者則曰十二公之中惟成公如京師聖人蓋爽之責 公合諸侯而私用之故聖人書公會晉侯甚侯伐秦 志其私也是二者均罪人矣若夫公如京師責之淺 然與公朝於王所非其所也故不可書公如王所 月 之深者則曰公因伐秦過京師而已未嘗朝也故不 Let by the Co (TV) 如京師至五月而會晉代秦久留京師非朝王而 朝淺者在所不辯而深者吾竊以爲過矣且公三 朝馬岩公朝齊晉及內大夫聘於京師皆書如而 春秋經筌 而

交 置 倭 自 泰 朝 安 惟責魯而不問晉晉亦爲得爲無罪哉於時吳楚 與諸侯震恐晉属嗣霸不圖制吳楚以安中國 聘自見矣今書公如京師責其不朝蓋曰不因 而勿議哉吾於此見晉魯均受其貶矣三傳諸 則亦不朝京師耳然說者以朝京師係褒貶甚重 倭以 不義則君子責其非况合諸侯以自謀其私 則勢有所不得不順齊桓晉文合諸侯以安 Total D 報私念諸侯豈晉所宜用哉徒以霸而 諸 儒 謀 乃

Ji.

曹伯廬卒于師 秋 たこり 七月公至自伐秦 爲人役而喪其身聖人関之 無一言及晉吾故益之以明聖人之意而己 因伐秦過天子而朝之也故其返也不敢曰至自 輕以朝王爲不足道而以伐泰爲榮故其返也以 師 net de des 而罔宗廟也然於時以從霸主為重而如京 如京師而後至代秦此則以明公初不如京 春秋經筌 上,十四 師 師

夏衛孫林父自晉歸于衛 冬葬曹宣公 十有四年春王正月莒子朱卒 爲傳聞之世録大略小或者又以苔無論非也苔 莒見於經自隱三年至此卒韓未當書于冊公羊 以 夷禮卒不告故不書卒葬不會故不書葬無他義 伐秦至而不以京師至也雖時態以爲常而聖人書 之亦足以見京師輕而諸侯重也悲夫 お十 用

文 爲重也 林 霸主不執之以正其罪反匿比罪人扼衛而彊歸之 等此聖人所以書歸自晉歐凡曰歸自某者某歸 惡 林父得罪於衛而出奔晉倚晉逼衛以求入也晉爲 芝日華全書 也歸者其罪輕歸之者其罪重故吾以爲春秋責晉 父也而致林父之叛者晉也晉侯之罪當加林父 父既齊晉以得入知衛侯畏晉而不敢治已則 於 衛 ·庸何忌哉故其後卒至於叛所以叛衛者 春秋經筌 <u>بر</u> 林 肆

鄭公子喜帥師伐許 秋 九月僑如以夫人歸姜氏至自齊 譏不親迎也 鄭之伐許非策也吾于三年去疾伐許既言之 叔孫僑如如齊逆女 謂稱族尊君命舍族尊夫人鑿而無義矣稱婦有姑 事而再見者先氏後名常也不獨逆女爲然公孫 父如晉歸父還自晉至笙遂奔齊之類是也左氏

冬十月庚寅衛侯臧卒 十有五年春王二月葬衛定公 秦伯卒 三月乙己仲嬰齊卒 7 6.7 June 21 Alia 後歸父禮曰爲人後者爲之子則嬰齊仲遂之孫矣 嬰齊公子遂之子宣十八年歸父奔齊鲁人以嬰齊 公孫之子以王父字爲氏故曰仲嬰齊然以弟而後 也于時穆姜存馬爾 春秋經筌

同盟于戚 癸丑公會晉侯衛侯鄭伯曹伯宋世子成齊國佐邦人 む 弃命奔齊則雖絕其後不爲已甚而魯人爲之後故 於兄昭穆爲不順不可以訓况仲遂魯之賊歸父且 其後乎則東門氏者三家惡之成公蓋厚之也 有功於魯也成公宣之嫡子遂有恩於其父子忍絕 世亦書其卒足以見魯人不絕仲氏尤以遂爲賢且 春秋於仲遂之卒獨書其字而仲嬰齊無事業見於 定匹庫在書

私 不至矣蓋前日以公合諸侯諸侯初不知其代泰以 滕 晉合諸侯於戚所以蓋前日伐秦之非也前日伐秦 今日之會齊宋莫測其然姑以世子大夫聽命而 車會之既而晉侯乃樓之以 人皆在今日成之會宋以世子齊以大夫而 雖 用之今日于咸公盟之然伐秦之役則 侯之不篤信也晉懼諸侯之指故曹己 不至晉亦無若之何蓋已有以欺諸侯 報怨諸侯不允也故 亦 與盟復 無。無。 侯宋公 膝 怪 夫 且

钦

定日庫全書

春秋經筌

晉侯執曹伯歸于京師 僖二十有八年晉人執衛侯歸之子京師書人書歸 之于此晉侯執曹伯歸于京師書侯書歸于吾用是 乎雖得霸討其實假義以蓋伐秦之失而已非真情 也噫亦既偽矣安有既盟之復執之則賞罰不亦紊 之以賣歡於諸侯蓋曰吾合諸侯爲天下討亂治逆 春 秋一字褒貶果非聖人不能修也文公晉之賢

CANADA SECURITION OF THE PROPERTY OF THE PROPE

ķ 舉措皆正故書候而不書人志褒且直之之詞也然 侯 則 天下之罪人也晉侯執之且不敢自决而歸于京師 迁詞也今曹成公因宣公之死乃殺世子以自立是 君乃聽元咺之訟而執人之君故書人以執貶詞也 ટ 9 之心而已左氏不達因以謂會于威專于討曹且 既受盟之後則晉侯非心於討曹特假義以維 固常事耳何用書之蓋不執之於盟之前而執之 þ 執非其罪乃不自決更以累京師 A #5 春秋經筌 故書歸之于

楚子伐鄭 夏六月宋公固卒 公至自會 楚子伐鄭鄭有以招之也前年鄭公子喜無故而伐 曹與威之會晉侯初合諸侯而盟之以洗其前日私 討曹也 明矣 也不執之于未盟而執之于已盟則戚之會初不爲 用諸侯以代秦之該特疑諸侯之貳因討曹以示義 اِ を十 THE PERSON NAMED IN

于宋 秋八月庚辰韓宋共公宋華元出奔晉宋華元自晉歸 華元宋之賢大夫也其出奔晉何邪爲山及魚石 許許楚之與也鄭昔當代許而楚不問以鄭在楚耳 迫也華元歸而山見殺魚石叛則知初之出也山 鄭爲許也 今鄭從晉而伐已之與國楚能不惡鄭乎故楚子伐 與 ŶΫ́

钦定四車全書

魚石迫之矣元爲右師而二叛將作不能已之乃狼

春秋經筌

六十九

華元于河上而經實書存晉又曰請討 甋 衛 石 矣美惡雖同解庸何傷于褒貶哉左氏載魚石止 無 與魚石均宋之亂臣故山見殺而魚石奔復倚楚 而奔晉倚晉而復歸亦足以見元之懦而 歸 謀也論元之心則與衛孫林父異觀元之跡 孫林父同美惡不嫌同辭故聖人一書之然 何用奔楚考其言無一毫合于經在所不信蓋 而卒至于叛元歸而殺山逐魚石則善惡 山 既討山則 不立忠 觀 自 則

む十

宋殺其大夫山 荡氏共公卒而荡氏專逐華元比魚石以爲宋忠雖 其惡馬然稱國以殺者罪累上也既殺有罪而以 上之辭書之何邪所以致山之惡者君也宋共寵任 山名而不氏宋之亂臣也聖人惡之奪其族所以著 山之惡甚白而所以成其惡蓋自君上也故以累 而入判然無足疑者若從左氏之說則漫不可考耳 一辭書之然山之罪卒不可赦故點族以見惡用是 · · · · · 春秋經筌 累

宋魚石出奔楚 華元歸誅蕩山逐魚石而宋國以靖則元之功足以 蓋其過矣故華元出係之以宋係之以宋宋以之爲 併蕩山誅之未爲太甚逸之而爲患猶爲失謀也 重也然魚石既奔而復入以叛脅之力也則石之惡 間不達者因以不書氏爲闕文蓋踈矣 知春秋褒貶如天地之無私也諸儒囁嚅于善惡之

釭

定

四庫全書

お十

冬十有一月叔孫僑如會晉士變齊高無咎宋華元衛

THE WASHINGTON THE PROPERTY OF THE PROPERTY OF

孫林父鄭公子鮪都人會吳于鍾離 故先會晉而後會吳殊會所以別二志馬故不曰及 鍾 首止之會書及以會霸主諸侯一德以尊王世子也 震恐其敢不以晉命而會吳乎然晉所以屈而 會而曰會以會也于祖于向同是義晉厲之霸 離之會書會以會霸主諸侯二志於吳也當是時 侯皆聽於晉諸大夫知會晉而已及會吳晉志也 會 諸

j

100

.

春秋經签

セナー

眖

吳則有由矣于時吳楚兩熾吳楚合則中國危晉

Ê 也蓋鍾離 於 此 事 會咸衛地晉侯合諸 抗楚則不得不與吳以奪楚援此所以合諸 鍾 文 也聖人豈以吳比王世子哉說者又日會以會外 殊文異無用多疑而說者以爲尊吳故殊會與 也且吳楚均夷狄原 離也然襄五年戚之會吳人在馬而 同不知首止之會蓋書及以會非若會以會之 / T. and the second control of the second control 祖向皆近吳晉合諸侯 侯於咸吳四人來會故不殊 ·其先則吳貴於楚齊之盟 往會之故曰 不殊會 侯 會 而 會 會 何 首 盂

許遷于葉 十有六年春王正月雨木冰 大王日日日日 抗 之會未曾外楚而獨外吳何也此蓋晉率諸侯往會 則 許自遷也鄭虐於許許畏鄭遷於葉葉近楚倚楚以 之其義甚顯安用鑿生尊之外之之說也哉 雨著木而水異之大者陰陽之理紊矣以爲陰之極 鄭也 **冝雪不冝雨以爲陽之戻則木非所冝冰木爲少** 春秋經釜

鄭公子喜帥師侵宋 夏四月辛未滕子卒 警後世也何休指沙隨苕丘之事為應此覡語也君 子不道也 鄭叛晉從楚爲楚侵宋故未幾有鄢陵之役也鄭成 建五行之經反而爲災聖人書之非苟責時君所 而結今雨結冰其變不可測要之聖王不作皇極 陽得水而生今反冰求其理不可曉冰爲少陰因水 不

ومراحة المتعرف والإراجية والمتعرف والمتعرف والمتعرف والمتعرف والمتعرف والمتعرف والمتعرف والمتعرف والمتعرف والمتعرف

英四月百三

卷十

六月丙寅朔日有食之 晉侯使藥魔來乞師 察魔乞師以伐鄭魯師不及期晉侯憾之故沙隨之 折 曾不見公 惟 者以晉有足依以抗楚也今晉率諸侯以事吳鄭不 公即位于今十年其間外被楚師内蒙晉辱卒不叛 而入楚馬自是一叛終成公之世不返有以也夫 役於晉且将役於吳矣事一楚孰愈於兩晉故寧 , - T 春秋經筌 セナミ

甲午晦晉侯及楚子鄭伯戰于鄢陵楚子鄭師 推之 而 鄭 楚子傷馬故斥言之鑿說也宋襄公敗于弘身傷 父 而卒不反者以晉侯恃力而不修德其不見公執 爵 晉能以單師 叛晉從楚晉侯之伐敵晉者鄭也而以楚加鄭 爾鄭叛華即夷且脅夷狄以抗中國罪在不言 所以來諸侯之術宜鄭成雖 師 春秋之常楚敗 勝楚鄭之衆晉亦彊矣然鄭師 稱子文誤 敗 而 耳 不 託 者以 服也 敗 雖 戰 鄭 爲 行 敗

to the state of the contract of the state of

- The state of the

쉾

定

四庫全書

卷十

楚殺其大夫公子側 将故 兵 死 解書之何哉古者命將出師推慢而告之曰間 聖人不為區區之義以自矛盾也 何以不稱宋公敢績 敗 其敗也君得以懲其罪將亦為三軍伏誅而 君傷將之罪也殺之何甚然稱國以殺以累上 軍制之間以内寡人制之舉三軍之命以投於 而書宋師邪春秋義同則文 不

Ė

三恤

þ

とり

春秋經答

今耶

陵之戰楚子在馬已以自

敗何以責過於

將

秋公會晉侯齊侯衛侯宋華元邾人于沙隨不見公 釦 而 之言而春秋不以殺有罪書之也 我 宋亦被鄭兵宋固在所疑及鄢陵之戰乞師於鲁 踵 隨之會音蓋疑諸侯之貳故會以卜之鄭 甲辱乞師 雖 師 月ろう 而為是會也然諸侯均 有命其敗君實主之尚何誅哉宜子反有不朽 不出諸侯亦無以寸兵助晉者此晉所以 7 而魯不出其所以待魯者若恭而魯寶 な十 不助晉而獨不見公蓋 眈 晉 不

ĚΪ 直 哉 遜 存 而 不 見而實有辭夫又何恥况諸侯 岩 定日車全書 見公則 書公會無隱者非内之惡晉之認也見諸 屈 兵不及期耳晉侯不察直將 君 夫内惡必諱 **倨也故獨責魯馬然魯安敢倨晉內有僑如之** 而盟大夫則 臣之義也君弑 用 P 5 既頗以兵不及戰而責人則爲謀 春秋之常雖不得己亦加 書及叛盟失信則 春秋經筌 則書薨滅 均 國則書取出奔則 加無禮於公公雖 不 佑 沒公而書會今 晉何獨責我 隱避所 七十五 侯 而 難 ハ 書 獨 不

公會尹子晉侯齊國佐邦人代鄭 公至自會 之而 晉候 告也故曰公至自會 吾何 以會告也公雖不見而實往會曲不在已可以成事 仁不恤人之難而責其必至則於義爲悖罪也在晉 敗楚鄭之師于鄢陵鄭卒不及今又以王命伐 鄭一不之顏 恥哉故在所不諱也 鄭則罪矣晉厲恃勢力以屈人 THE RESERVE OF THE PROPERTY OF THE PARTY OF

曹伯歸自京師 曹成 受其辱令晉不乞師 而 不至均有罪馬諸侯之事晉者亦難矣宜鄭伯 期 自正其罪以 不反也王臣會伐自此始義見柯陵之盟 而君蒙不見之恥不期 段世子而自立是天下之大惡也晉候執之不 歸京師尊王室也簡王不能正王法 春秋經筌 而公會之畏晉可知然期 而至則臣有見執之辱 ナナナ 至 叛

E

不我屈無怪也鄢陵之役晉來乞師魯兵不及期公

欽 法不復行其何忌而不為亂臣賊子哉吾於此重爲 猶 臣 歸于京師既而晉自釋之書曰衛侯鄭歸於衛不云 王苟因是以用其威福之柄則天下孰不震懾王室 今幸晉厲有質問之心不自裁處而歸曹伯于京師 今天下復歸之曹王室不綱失政刑矣自後春秋亂 定四庫全書 一賊子其徒實繁東周之君固不能行九伐之典爾 有望於復興也今乃置而姑息之諸侯判然知王 王惜之春秋書執諸侯歸京師者二晉文執衛 罨 侯

Strange and the strange of the stran

也然衛 者凡諸侯有惡則名不然則否鄭之歸晉文以有 歸自京師者非王命也今曹伯歸自京師王命釋之 名曹伯所以談王室也觀乎此然後知 而 月晉人執季孫行父舍之于苔丘 不能修也 歸簡王以爲無罪而釋之故亦因其志而不名不 赦之故順其欲而名之名鄭所以責晉文也曹 į 侯鄭名而曹伯不名此又輕重其文以見義 春秋經签 春 サナル 秋非 聖人 伯 罪

蓋拘之于苔丘以要魯之服左氏以爲赦之非也楚 著其地哉稽之文義亦無以舍爲赦者其說疎矣故 蓋亦虚哉宜其不克終也舍者次舍之舍穀深得 子執宋公及簿之盟赦之書曰釋宋公不曰舍之此 之而又執季文子晉之舉措亦謬矣不及期則 鄢陵之役魯師失期晉侯不見公伐鄭之役公親 放之亦曰釋行父足矣安用書舍之于苔丘且 君親會之復執其臣諸侯何以堪此晉厲之爲人 不見 會 明

THE RESERVE OF THE PARTY OF THE

鉱

定四庫全書 100

卷十

冬十月乙亥叔孫僑如出奔齊 謀去季孟公懼內亂設警備而後出兵用是失晉期 重書公至自會則行父從而至矣 三家專魯勢雕德齊各乗隙以相傾鄢陵之役僑如 吾從穀梁爲正然季務意如叔孫始之執皆書至而 而謀之故反諧於晉晉亦不見公及執行父亦僑如 以得罪於晉僑如之故也僑如懼公及行父訴於晉 不書至蓋晉旋釋之而與公同至也告廟以公爲

2

<u>ک</u> و م

春秋經签

せた

十有二月乙母季孫行父及晉卻犫盟于扈 釦 奔齊隱敗國語君之賊掩然如齊而齊匿之齊亦有 奔故晉釋行父而盟之於扈公至自會歸而刺公子 公及行父之出於今六月矣君臣外稽於外以係 國 而 之故也然理有順逆情有真偽卒之公及行父不辯 贬 一替而晉責之罪不釋也今僑如之替既敗不逐而 有君乎抑亦高固之黨同惡相濟也 自明晉将釋之偽如懼公之至而責其罪也故出 月白さ 怎十 如

十有七年春衛北宫括帥師侵鄭 公至自會乙酉刺公子偃 飲定四庫全書 矣 見其非罪故先書成而後書刺偃之罪於僑如之奔 公子買戍衛不卒戍刺之非其罪也不書其故無以 已知其為惡黨故直書刺而罪自顯春秋之法如此 如之醬明矣春秋之文簡而明考其原則情狀的 偃偃僑如之黨也則公之不見與夫行父之執皆僑 春秋經管 七十九

六月乙酉同盟於柯陵秋公至自會 夏公會尹子單子晉侯齊侯宋公衛侯曹伯都人伐鄭 **哉使晉被鄭兵而衛救之則有援霸主之功何得** 疑楚必佑之乃先命衛人侵之以嘗其鋒故未終有 柯 桓文襄成之霸蓋當接諸侯伐叛矣未當屈王師 北宫括 陵之役也無他義 放而書侵那此鑿說不足據蓋將合諸侯伐鄭 侵鄭晉命也左氏以為救晉彼何據而云 WEST STANDARD STANDARDS 不 而

屈 伐也屈王師下伐始於晉属世衰謀迫霸業日猿 王 國 青魯兵之後 周也今兵戎之役 則 カ 臣為是盟而必諸侯之信耳 之衆 挾 尹 単い 王師 而 屈 力口 令 以令諸 鄭 いく 諸 期 鄭 4 王 師 罪諸侯之不我 倭 伯一 雖 侯樓 周 而 亦 春秋經 鄭未反故遂與柯陵之盟持藉 王臣臨之諸 叛 諸 雖 與馬陵夷甚矣厲公暴戾專 答 侯 鄢陵之兵敗 いく 用 且伐 討搞貳兵役不敢及 侯不敢不至以 於是挾天子之命 鄭自伐鄭鄭 而 鄭 + 不 服 初 73 既

齊高無咎出奔 苔 紅定四庫全書 為晉之計則善矣而周室不幾於替乎其得鄭不得 鄭在所不問而屈王師下代蓋始於晉厲君子不可 未服何用同盟哉此實無所謂而然徒幸王臣之在 暴露而出決非善之者故今年髙氏奔而明年國氏 以令諸侯也初集王師以脅鄭復倚王臣以結諸 不察也 國崔鮑皆齊之殭臣也非爭政不勝而奔則說誤 おト 侯

九月辛丑用郊 魯之小郊自僖公始而用郊自成公始蓋前乎此 免牛十年又营卜之五卜不從忿而遂不郊不復免 誅其故可知矣 而直用之聖人書曰用郊蓋前乎此未當用也至定 牛免牲矣今成公惟卜而不從則不得郊故不復 史遜請之於王而得用郊蓋疑其偕而天不享故 之而未遽用也成公七年蓋常卜之己而不從乃 雖

ŗ

定日車全書

春秋經筌

1+1

冬公會單子晉侯宋公衛侯曹伯齊人邦人伐 晉候使荀瑩來乞師 笛 哀之郊則不復書用蓋責不在定哀其用之始於成 而臣 爲用人其支離一至是哉 冬公會晉侯伐鄭 與用田賦用致夫人同而謬者求其說不得遽以 作丘甲而晉四乞師於魯一不及期則公不見 執辱多兵果何利哉荀瑩之來魯其敢違乎故 表十 鄭

THE REPORT OF THE PERSON OF

而 有一月公至自伐鄭 至 公從伐鄭者三而兩至自會蓋無功以告廟徒以 極 徒 晉三伐鄭皆以王師冠之王威豈能攝楚而服鄭哉 以見力之不足恃矣而晉厲不能內修德以來之徒 一也今之伐又何功之有乃至自伐何邪前此二伐 不 其念而不置鄭卒不服晉亦以亂身陷不測攘外 假之以致諸侯之師也然三伐鄭而鄭不歸亦足 治内吁可戒哉 As Asso 1 春秋經筌 全三 會

k

?)

5

壬申公孫嬰齊卒於程 쉷 非乞師 乞師 其卒之月日以志其實安得移其日於公至之後以 豈待公命而後書之借曰必待公至而書則亦當以 大夫之卒書其實而已月日所以紀其實也十一月 之書至從告廟爲得其實危之之說於是缺矣 無申壬誤爾公穀附會以為待公命然後卒大夫卒 埞 匹 月白世 而會則其反也不得不以代告馬用是知聖人 而往則其反也亦不以師行而告今之代以 卷十 脹

晉殺其大夫郤歸郤犫郤至 邾子貜且卒 十有二月丁已朔日有食之 踈謬歸父之子乃仲嬰齊既於十五年卒安得於此 厲公之虚甚矣一日而殺三大夫卿佐國之股肱 再卒乎此從公伐鄭未至而卒於外爾無他義 子或者疑其為歸父之子故必待公至而卒之此尤 紊編序哉其就迁矣公孫嬰齊叔肸之子非歸父之

钦定日車全書

春秋經筌

ハナニ

楚人減舒庸 十有八年春王正月晉殺其大夫胥童 書中行偃殺之遂殺厲公若然則宜書晉弑其君州 肾童之殺君殺之也故以國殺爲文而傳者以爲藥 舒庸故楚之與夷狄相減在所不録然中夏必書之 起信矣 怒而誅誰與處哉宜其禍不旋踵也穀惡謂禍於是 以見楚之拓大疆場日侵中國也

í

卷十

庚申晉弑其君州 中行氏有所不安而謀逆馬其事自順無用穿鑿 其大夫胥童而後書晉弑其君則胥童之殺在属公 蒲及其大夫胥童以尊及果然後為順今先書晉段 厲公之興哆然修文之業其志有足尚者然剛 未弑之前属公殺之也初殺三卻繼殺胥童故察氏 仁果於用威敗狄伐泰既如其志然當吳楚並與 吳則畏楚欲抗楚則慮吳逐合諸侯以會吳於 蒲 春秋經签 八十四 暴不 欲 鍾

所洩乃内疾於 見公苔丘之役執行父蓋亦不知自反矣既而上 遷怒於魯以魯兵不出而隳已功也故沙隨之會不 志而鄭不反於是時也可以退而增修其德求鄭 離蓋吳楚合中國無以抗之也吳既我附故明年遂 師 不 ,鄢陵之師大敗楚鄭其爲謀蓋亦深矣然晉雖 服之故治内以柔之何患鄭不反而楚不懷 下連諸侯三族于鄭鄭不能得其忿益甚怒 卿 佐殺三部誅胥童立其朝者優然 得 屈 乃 無 帲

Marie Land and Post Post Piles

畝

定四庫全書

装十

齊殺其大夫國佐 之人共疾其上也夫立於一國之上而爲一國之所 乃以累上之辭書之何哉蓋所以致國佐之叛者君 疾宜其及禍矣悲夫 以傳考之國子以其私邑叛則殺之爲得其罪矣今 可不鑒哉凡春秋書弑君以國弑者君無道也一 如不終日故中行藥氏逆成于項刻嗚呼剛暴之君 國

į

こりり

4 45

春秋經签

八十五

也靈公不君視不明聽不聽以踏而罪國子故國子

夏楚子鄭伯代宋宋魚石復入于彭城 成晉亂且朝嗣君也 如晉 晉属蒙禍楚鄭乗隙而襲中國伐宋之舉豈志納魚 叛 說者或曰不言納不與其納且宣十一年楚子入陳 石 哉將以亂宋而窺中夏也故聖人亦因其志而 、則其殺也安得不以累上之辭書之 納使若代宋自代宋魚石復入于彭城石自入心 ピスクラ THE PERSON NAMED IN COLUMN TWO IS NOT THE OWNER. THE PERSON NAMED IN COLUMN TWO IS NOT THE OWNER. 卷十 不

金が

公 至自晉 C. D. St. A. A. T. 侯使士匄來聘 叛 宋 之亂於楚何利而志於納之彼曰納魚石特 與其納其志本於亂中國不在納魚石也且助魚 納公孫寧儀行父于陳何以直書納志於納者聖 與其納若納之善否襃貶自見非志於納者聖人不 而不書叛非石志於叛楚子驅之以亂宋耳 貼中國之亂而後楚得以逞也然魚石之入宜 春秋經筌 1 假 147 石 日 伐

不曉 公之子不復考踰年之禮矣左氏更以爲有禮吾所 之來十二月虚打之盟亦稱晉侯悼公蓋以己非 則 宣十年齊侯元卒公如齊公至自齊齊侯使國佐來 杞伯來朝 **畿之今晉厲公弑悼公繼嗣統禮爲人後者爲人子** 亦嗣子矣而士与來聘亦書晉侯非禮也冬士魴 頃公即位未踰年而遣大夫來聘直稱齊侯君子 四庫全書 卷十 厲

鉑

定

築鹿園 冬楚人鄭人侵宋 已丑公薨于路寢 八月都子來朝 苑 囿 書土功之事左氏獨責其不時非經意也 民以自專其利也築鹿囿立防以專其利矣此非尚 何為哉古者山林數澤之利與民共之不立防限 園之地國有常制魯有大野苑 面之地也今築 鹿

jţ

E 9

ort of the


春秋經筌

晉侯使士鮎來乞師 于虚打 十有二月仲孫茂會晉侯宋公衛侯都子齊崔杼同盟 前日伐宋今日侵宋豈志于納魚石哉侵中國也 立未敢遂役諸侯故乞師以觀諸侯之志諸侯順從 虚打之盟兵車之會也會以兵車而不用蓋晉悼新 楚鄭侵宋晉侯使士魴來乞師仲孫茂遂會晉侯爲 姑盟之以固其心而已此悼公之興和而有禮宜其 四月石三 The second statement of the property of Confidence of the second statement of the second statement of the second s

春秋經筌		右成公畫十有八年	丁未葬我君成公	卒成霸業也
2+4				



型												
	春秋經筌卷十			HE STATE OF THE ST	THE STATE OF THE S				一			
								-	卷十			



瑕 校 對 謄 官 鍒 监 检 生 計修 臣 臣 臣 朱 左 王 依 鍾 健 韵